

جریدہ عالیہ

مشیت جلیلہ اسلامیہ نک جریدہ راسمیہ پیدر

محرم الحرام ۱۳۳۵ [*]

عدو: ۲۷

آیدہ بر نشر اول نور

اوپنچی سنہ

فتوا خانہ عالی قرار لری

نفقه جنسندن اولیان مال زوجك صاتیاه میه جنی حقنده [*]

غائب اولان زوجلرینك اذنی اولمقسزین زوجهلرك زوجلرینك نفقه جنسندن اولیان ماللرینی صاتمهلری جائز دكلدر صاتارلر ایسه بیع فضولی احكامی جاری اوله جنی

★ ★

وفات و طلاق خبرینك شهادتدن فرقی حقنده [*]

بومثالو حادثه ده مخبرلرك محكمه شرعیه یه كملری لازم دكلدر .

[*] بوبابده ازینه قضاسی قاضیلکنك ۱۶ رجب سنه ۱۳۳۴ تاریخی تحریراتی خلاصه سی :
کتاب النفقاتك ایکی یوز التمش التنجی ماده سنده غائب اولان زوجك نفقه جنسندن اولیان عروض و حیوانات و عقارینی زوجهلر برای نفقه بیع ایده میه جکی مصرح ایسه ده زوجلری عسکرده بولنان قادینلر کرک کندی و کرک اولادلرینك نفقه و کسوه و سائر احتیاجلری ایچون استدانه ایده جک کیمسه لری اولماسی حسیله زوج غایبلرینك جنس نفقه دن اولیان بعض حیواناتی و عروضنی آخره بیع و ائمانی نفقه و کسوه و لوازم ضروریه لرینه خرج و صرف ایتدکلرینك امثالنه تحریر ترکاتده پك چوق تصادف ایدلکده حالبوکه بیع ایدلش اولان حیوانات و عروض موجود بولنمامقده اولدیقندن بو کبی احوال فوق العاده یه بناء زوج غایبلرینك حیاتلرنده قادینلرك کرک کندی و کرک اولادلرینك نفقه لری ایچون بیع و ائمانی نفقه و کسوه و سائر لوازم مبرمه لرینه صرف و استهلاک ایلدکلری حیوانات و عروض حقلرنده یاپیله جق معامله یه دائر بر صراحتده تصادف ایدیللمدیکندن بو وامثالی حقنده نه وجهله معامله اولنه جفك امر و اشعلرینه مساعدت جلیله جناب مشیختیناهیلرینك شایان بیورلسی بابنده امر و فرمان

[**] بوبابده برغمه قاضیلکنك ۲۰ شوال ۱۳۳۴ و ۱۴ خصوصی نوصرولو تحریراتی صورتی:

جریده علمیه نك یکریمی اوچنجی نسخه سنك درتیوز سکسان یدنجی صحیفه سنده زوجك وفات و یاخود تطلیق ایتدیکی موثوق الکلم کسنهلرك زوجهلر نزدنده اخباری اوزرینه ویریلله بیله جکی بیان بیوریلان وثیقه نمونه سنك مندرجاتنه نظراً حضور شرعه بو یولده ادعا ایدن زوجهلرینك مخبرلرینك کیملردن عبارت اولدیغنی سویلسی کافی اولوب حضور شرعه مخبرلرك وجودی لازمه دن اولدیغنی ا کلاشیلور . فی الحقیقه زوجهلرینك یالکز مخبرلرینی ذکر ایتسی اوزرینه وثیقه ویریلله جکی یوقسه مخبرلرك همه حال حضور شرعه کلوب زوجهلرینك نزدنده اخبارده بولندقلری کبی محکمه ده اخبار ایللری لازم اولوب اولدیغنك ایضاحی خصوصنه عنایت بیورلسی مسترحمدر اولبابده

نقشهٔ صغیر حقنده

باباسی نزدنده بولندینی مدت ظرفنده حاضنه و والده سنک صغیری اتفاق ایتدیکی
تحقق ایتدیکی صورتده صغیرك نفقه می تامنه مزبورہ نك نسنه طلب ایتمه شرعاً حق
یوقدر .



ممالك مستولی علیہادہ کی اراضینک بین الورثہ صورت تقسیم حقنده [*]

مال استفتایہ نظراً اراضی مذکورہ صرف ملک کی تقسیم و حادثہ ترکہ
متوفانک سکز سہمندن بر سہمی زوجہ و باقیسی اوغلنہ اعطا اولنق و اوغلرینک
اولادینہ حصہ ویرلماک اقتضای شرع عایدن بولندینی .



مہلکہدہ مفقودك نہ وقت موتیہ حکم اولنہ جفی حقندہ

نتیجہ استفتایہ نظراً حرب کی مہلکہدہ بولنوب حیات و ممالکری معلوم اولیانلرک
ممالکری نہ ظن غالب حاصل اولہ جق مرتبہ نك مدتندہ بر حد معین یوق ایسہدہ بر شخصک
میدان معرکہدہ بولنوبدہ رفقاسی عودت ایتدیکی حالہ کنیدیسی عودت ایتدیکی تقدیردہ
مفقود مزبورك ممانہ ظن غالب حاصل اولہ بیلیر و طرف قاضیدن آنک موتیہ حکم
و ترکہ سنک بین الورثہ تقسیم اولنمسنک جوازی مزبورك محاربہدہ بولنوب الیوم غائب
اولدینی بیلنر طرفدن اداء شہادتہ متوققدر .



[*] بو بابدہ کی استفتا خلاصہ سی :

بعد الاستیلا وفات ایدن بر ذاتک ممالك مستولی علیہادہ قالان و اراضی امیریہدن بولنان
اموالی ورثہ سی بینندہ اراضی امیریہ کی می یوقسہ صرف ملک کی می تقسیم اولنہ جقنک و متوفانک
بر زوجہ سیلہ بر اوغلی وازر ایکن متوفی اوغلنک مخدوملری نہ مذکور اراضیدن حصہ اصابت
ایدوب ایتیمہ جکنک بیان بیورلسی

واقفك حياتنده اجارتين شرطى اذن و اراده يه متوقف ازلدينى حقنده [*]

مال استفتايه نظراً خصوص مذکور اجاره واحدهلى بر وقفك اجارتينه تحويلي
قييلندن اولمامغله متولى مومى اليه شرط واقف موجبجه اذن قاضى و اراده سنيه
صادر اولقسزين موقوفات مذكوره يي اجارتين ايله آخره ايجاره قادر اولور .



قوانين و نظامات

(صوك بالقان حربندن طولاني هجرت ايدن متمولان مهاجرينه حكومتجه اولنه حق)
(معاونت حقنده قانون موقت)

[تقويم وقابله نشرى تاريخى : ۴ ذى الحجه ۱۳۳۴ و ۱۹ ايلول ۱۳۳۲ نومروسى: ۲۶۶۴]

ماده : ۱ صوك بالقان حربندن طولاني ممالك عثمانيه يه هجرت ايدن مهاجريندن
اولوب ده مملكتلرنده كي اموال غير منقوله لر ينك اللى بيك غروش قيمتندن فضله قسمندن
هيچ بر وجهله استفاده ايدمه يانلره غير منقول اموال متروكه ايله اراضى خاليه اميره دن
مجموع قيمتى آلتى يوز بيك غروشى تجاوز ايتماك اوزره مجاناً اموال غير منقوله اعطاسى
صورتيله حكومتجه معاونت اولنه بيلور . اموال مذكوره دن هر مهاجره برتعهد سندی

[*] بو بابده اوقاف هايون نظارتى وكالت جليله سندن وارد اولان ۹ محرم ۱۳۳۵ تاريخلى
تذكرة صورتى :

واقف حال حياتنده سلك ملكندن اخراج و بيك ايكوز طقسان بش تاريخنده وقف و تسجيل
ابتدريدكي مسقفات و مستغلاتي حياتده بولندجه ديله ديكي كي متصرف اولسنى و ارتحال دار بقا
ايله ييكنده بايد متولى اجارتين معتادتين ايله آخره ايجاريني شرط ايدرك بعد الوفاة متولى اولان
ذات اذن حاكم و اراده سنيه استحصاله حاجت كورمكسزين شرط واقفه استناداً خود بخود
مسقفات و مستغلات معروضه يي اجارتينه بالتحويل آخره ايجار ايتمش بولنسه متولينك اشبو معامله سنك
شرعاً مقبول و معتبر اولوب اولديغلك حضور عالى جناب مشيختپناهيلرندن استفتاسنه مبادرت
قلندى اولبابده